


LIZU LYA KALUNGA MUMA KUMBI ANO AKUKUMINYINA

 Phundu vene olwo lusesa khana lwa kupwa muli vathu vachi Spanish mu chimene chino. Kaha Ngwakomoka kachi Jim ali na kwivwa evi. Mama-a, ikhiye alina kukopa mazu. Yami nguchili na myaso yaku kukopa vembile vaka kwimba vaka Spanish omu Ngwapwilenga kuno kuli Ndumbu walunga Garcia. Kaha Ngwavyama uze mwaso vapwilenga naku ngwimbilanga. Oloze, mama-a, omu Ngwachizanga chize! Kaha navaze vana jino vosena vanakolo vana sombojoka. Ngwechikwivwanga kuli vakhiko hamwe na hamwe. Kaha omu Ngwatambukanga chimene chino ngwamonanga kanyike Yosefwa, kaha echi chinangulingi mumwe yami, kaha phundu vene Ngwa wahililanga hakumona yove.

² Kaha, jino, Ngukwechi lizu limwe Ngunahase kuhanjika muchi Spanish. Munatondo mulivwe? “Hallelujah!” Kangweshi kalivulyama lizu khanako. Ngwapwile na kweseka phwevo wakujika matwitwi kungwivwa yami lwola lumwe. Jino, Ngwami pamo nangulihanjika mwakuhenga, munamono, oloze mwamwaza Ngunahase kulyanuka lyapwile “oye.” Chize chamwaza? *Munangwivu* yami. *Munangwivu*, “oye.” Kaha kanda muka vulyamako, “Gloria a Dios!” Ocho kuwaha! Mama-a, Ngwapwile na lisesa lyakupwa muvene mu chikota, Mbongi ya Mexico, kuhanjika navakhiko kuze. Ocho kuwahilila khana Ngwapwile! Kaha Ngwapwilenga na . . .

³ Ngwapwilenga ku Finland kunyima yakufuma kuno Ngwapwile. Kaha kakavulu chinakungwanukisa yami kuhanjika naphwevo waka Finnish. Vangumbachile na kungutwala kuze vavuluka ngwavo ku “mbetane.” Mafuchi osena vakwechi jila yavo. (Ami, munakutambula kukasunuka, Nayami ngunapandamako kuze? Muna kwivwako kanawa? Hakhiko oho.) Ou phwevo wamundende, apwilenga muthu wamwaza. Oloze apwilenga nge yami, azangilenga kuhanjinka vyosena. Kaha muka kulumbununa . . . ahanjikile washi washi, kaha—kaha muka kulumbununa kahashile ku chilinga washi washiko. Kaha nahase kwimana na kumeso enyi ngengu, ikhiye ngwenyi, “Nguna vambachilako vakwetu ku Mbaviloni.”

⁴ Oloze, enu munejiva, Ngwachimono nge vosena na—na tujila kwimba Muundele, tuwa kuwoza Muundele, vakhemba kulila Muundele. Ngweji kuli komokelanga ukalu wetu ulihali. Oloze etu tu vosena tweji kushinganyekanga ngwetu lilimi lyetu—lyetu likhiko nalikapwa Mulikombakaji, mukhiko vene. Oloze etu

tunatambula Shipilitu Wajila, owo muchano, mwomwo tuli na lilimi lya Mwilu.

⁵ Tuli na Ndumbu Rowe hano chimene chino nayetu, wamulemu kufuma ku Washington. Ngwafwelela nazate nava Thwamina jalifuchi vatanu chipwe vatanu umwe, va Thwamina jalifuchi vatanuna vavali. Kaha enu munejiva omu Ngweji kwimananga, hano hakamenga, kuhanjika, na muthu wamuyachingana oku natwame kunyima yami. Oloze unjiho wenyi lwola lwose wapwa wakulimanyina kuli yami, kaha chikumakumanyi omu ikhiye...Ngwafwelela apwilenga wa mu Luzaleni, nge Yami chaseukileko, chipwe Katolika chipwe Luzaleni, Luzaleni. Kaha ikhiye ngwenyi ikhiye...chuma chakufwana nge kukalava mwishi yambalaka mu kuli wana chamu Pendekosita, kaha akatukile...Makumishilo atambukile nakwiza kukamenga, kaha, omu achilingile, Mwata ejile hali ikhiye nakumukisula chikuma ngachize...Ngunashinganyeka nahase kuhanjika mumalimi akuli handununa atanu na avali. Kaha esekeleko limwe, “kacha zachiwileko,” esekele likwavo, “kacha zachiwileko.” Kaha Ngwashinganyeka nahase kuhanjika Spanish chochimwe nge omu muna hase nayenu nawa. Shikaho ikhiye—ikhiye esekele osena, kawazachiwileko. Kaha, talenu, munejiva, Kalunga apwile wamwaza, Ikhiye asulukile na kumuhana lilimi lize kanda esekeho lyehi, ngwenyi, “Lya zachile!” Chakwoloka ocho. Ngwashinganyeka ize ikhiko jila naikapwa kusali ikwavo.

⁶ Vyakwanukilaho vyavivulu Ngwalama yami mumuchima hakaliuka aka kakandende, Ngwachifwelela...mama-a, Ngwavulyamanga okwo chili. Chili kuno kumwe kwa kamwihi na Kamukwakwa ka Tonto. Kaha Ngwanukile chize. Ngwashinganyekele lize lizu “Kamukwakwa ka Tonto,” kuze kwapwilenga liuka lya Spanish Apostolic.

⁷ Ngwambanga kuli kafunga, “Echi chikhiko chihela chakutamo kupwa na kuhizumuka,” kapeka kakanene, liuka lyalihya, vathu vamwaza. Shikaho Ngwashinganyeka chili cha kutamo kupwa nalikumbi lyakuhizumuka. Enu chilombenunga chize, twayenunga muno nakupwa na kuhizumuka. Jino, Ngwatalilila hichuma chaku hilukaho cheka nge chize twapwile nacho ha liuka likwavo. Ngwanukanga kwimana mu weluka, kukundamina ha chipato, kutala helu namumavu mukamukwakwa, kweseka kuyoyela muli chize chilota, chapwile chuma chamu chano chize Kangweshi kukavulyamako. Kaha Nguli na—na naunjiho waundende wamaphwevo vavandende, vakuhona kusomboka na vandumbu vembilenga nakukopa myaso. Kaha vesekelenga kwimba “Fwelela Kaha,” kaha kavahashile kuwimba kanawako, enu munejiva. Navamba, ngwavo “fwelela kaha,” vaulowele ngwavo “yeonea fwelela,” talenu.

⁸ Kaha Ngwanukilenga Rebekah, mwanami wa phwevo, Sarah, kaha vakhiko ngwavo, “Tata, imba, imbisa ize myaso ya vaze vavandende vakopele...” Kachi vambenga kwavo “Spanish,” va honene kuhanjika lize lizu, ngwavo, “vanyike vama phwevo va Spinach, vaspinach vava ndende vama phwevo vembile ‘Fwelela Kaha.’”

⁹ Chamwaza, Ngunanuka vakavangijile kukunguluka. Haze thele kuhizumuka china hetelaho, vayikavangijile kufuma kwakusuku naku Ngenge ya Kumulauko. Kaha Ngwa... kachuma kakandende kajikile mumuchima wami omu twafumine ku California, Ndumbu Moore na Yami, na Ndumbu Brown, kufuma ku mbongi. Kaha omu Ngwashikumukile muli yize zuvo ufuku uze, tuze tuvanyike twemanyine kuze na kwimba ngwavo, “Ikhiye eji kukuzakaminanga ove.” Enu muna chivu. “Kuhita mumusana chipwe mumuvwimbimbi, Ikhiye eji kukuzakaminanga ove.” Lwola lwaluvulu kumafuchi ekha, kuvihela vya jita vya ndombo vya muno mukaye, kweseka kuneha Mujimbu wa Kulishitu, Ngweji kwanukanga vaze vanyike vama phwevo nava vamaunga kwimba uze mwaso kuli yami, “Ikhiye eji kukuzakaminanga ove. Kuhita mumusana chipwe mumivwimbimbi Ikhiye hanga akuzakaminanga ove.” Shikaho chinapunga chuma chachinene cha kuhizumwisa, cha kukafwa.

¹⁰ Kuliwana na kafunga wamwaza, kaha ngwawahilila hakumona liuka lyalitonyi kaha muli na zuvo yayinene yamwaza hano, vose vanatwame, kapete kakanene kakutwamamo nakutulikila. Chili chihela chamwaza mumavoko a Shipilitu Wajila, kachi etu natumulingisa Ikhiye kuchimona na kutachikiza nge etu tunakusanyika kuhizumuka. Ikhiye, Ngwafwelela Ikhiye mwahana umwe.

¹¹ Jino, uno etu tuli ha liuka lya Ndumbu Outlaw, liuka lya Lijina lya Yesu, akuze kusali. Kaha Ndumbu Outlaw, Ngwafwelela mu...lili liuka lya Apostolic, mukiko vene. Ngwa shinganyeka ikhiye ali sanyika lijina lyenyi, liuka, Lijina lya Yesu. Ngwashinganyeka ikhiye apwa wakufwelela chi apostolic. Kaha etu twatela kupwako kuze ufuku uno. Kaha jino katweshi nalizu kuliuka lya Spanish ko, “jino twayenu kuze,” mwomwo enu mwatwama muchihela chamilimo yenu. Kaha kuze nakukapwa kukunguluka chachinene nava ka Malunga vaka Kulishitu Vakakusekasana, kuputuka Chiwana, kunyima yakusoka kutanga muma uka akwavo, ha Chiwana. Kaha echi kuli kungulula, kuli na kupwa vaka kwambulula vakulimanyina, kaha na Oral Roberts, nava ndumbu vamwe vamu Mesondisiti vaze vana lwiliwa linwaha, kaha vamuvuluka ngwavo muka kwambulula wangolo. Kaha Yami ngwami pundu vene namukasuuluka kuli chize kukunguluka. Kaha yenu vana vavandende, va kwechi kukunguluka chavana vavandende nawa, nge omu ndumbu navilika. Yami nawa nguli navana vami

kuze navengilamo omu. Kaha jino mukeze kuze, natuka wahilila kupwa nenu kuze. Ngachize Mwata amikisule muovosena.

¹² Kaha jino Ngwaketonda kufukununa mu Mbimbiliya na kutanga Mazu Enyi amwe akukisula. Kaha awa Yami ngunasakula muchimene chino, hakathando kakandende, ka Ngwatondele kumishimbwisa chikumako, jisona jimwe, imwe yawo natuyiwana muli Samwele Wakulivanga, ukwavo natuwana mu Isaya. Kaha Ngwatela kuputuka kutanga na Isaya. Kaha Ngwa . . .

¹³ Mwakwivwa kanawa muovosena, kwosena? Mukachi kevi vihungo, vyasoloka vya mangana chikuma kuli yami, Kangwejiva mwomwo ika. Enu muna kwivwa kanawa okwo, katulenu mavoko enu. Chamwaza, chamwaza.

¹⁴ Jino, Nguna kwivwa kunjonjoma chachindende, mukiko vene, echi chinakufuma hakuhanjika chikumakuma. Kaha kufuma haze Ngwapwanga na vandumbu vaku Spanish, munahichi myaka sikisitini, Ngwashinganyeka, pamo mwahichi sikisitini chipwe myaka sevetini, chamwaza, Ngunapunga nakunagula kufuma haze. Shikaho Ngwazeyele, Ngwami, kaha Yami nguchili wakuzeya, oloze Yami nguchili nakuya likha nalikoji lya Kalunga.

¹⁵ Jino tufukunune ku Isaya 40, ha kapetulu 40 wa Isaya; na 1 kapetulu, chipwe kapetulu 3 wa Samwele Wakulivanga. Kaha shimbu tuli muvihela vyetu mangana tutange Lizu, Ngwasake jino etu tunogamenu mitwe yetu kathando kakandende ha kulomba.

¹⁶ Ove Tata wa Mwilu, etu tuna wahilila lelo halusesa lwakwimana mwajila mwazangi eyi ya kukunjika kuli Kalunga na hamulimo Wenyi. Kaha etu tunejiva ngwetu vangamba Jove vanemana kunyima yakamenga kuno chipwe kumuchaka lwola lwalu vulu, kaha na myono yakukunjika kumilimo Wove.

¹⁷ Kaha chize *chino*, chimene chino, chechi kuneha yvuma vya kwanukilaho, vya kwanukilaho cha kuhizumwisa chize chaputukile, na Shipilitu Wajila uze asulukile chifwanyisa Chakumunyika chachinene, kuli fwana nge Panda yaka Kahya, kaha Ya hanjikile ngwayo Mujimbu watela kukomba hamavu. Kaha jino lelo chinapu mujimbu wa mwaka. Na Mujimbu una kwate kakahya kuhichila muli vingazule ja malunga, hanyima Ya kuumona, nge Oral Roberts na Tommy Osborn, na Tommy Hicks na vavavulu veka. Kaha kuhichila hamwe na ngolo tunahake tuvosena, etu tunamono Mujimbu unahake kuhizumuka chakahya muma fuchi osena mwishi ya Lilu, ya Mujimbu wa pendekosita. Hali echi tunahane kusakwilila na kwalisa kuli Ove, Ove Kalunga wa Undume.

¹⁸ Kaha jino etu lelo tuna lombo ngachize Yove uwahise michima yetu, mangana tuli zange Kuku hukula chili nakwiza kalinwaha, twafwelela. Kaha kachi michima yetu kayeshi

yaku wahisako ngachize chipwe kala vyose Yove uli navyo muchisete vya yetu, etu tunalombo ngwetu Yove utukonekele kuhona kutesamo, kaha muhanjike kuli yetu kuhichila mu Lizu Lyove. Kisula kafunga wa liuka lino, na vakakuzata muliuka, lizavu lyava kakushishika, kaha na watu kala vosena, nava membala. Kisula lizavu lyalindende lyavakakwimba, na muka kwimba tulyalya, vaka myaso. Vosena hamwe, kisula vosena vana kwingilanga kuvikolo vya chihela chino. Vahasenga kukindulukanga vakwalumuka lwola lwose, va pandame chindende kuli Yove kuhambakana muze vezanga nakwingila. Tuhanecho, Tata. Kaha echi chipwenga ngocho, na muchimene chino, tunachilombo echi mu Lijina lya Yesu. Amena.

¹⁹ Jino pandumunenu ku Mukanda wa Isaya, kapetulu 40, tutangenu.

Vavendejekenu, vavendejekenu vathu jami, mwanambe...Kalunga.

Hanjikenu mazu aku vendejeka ku Yelusalema, muvilike kulikhiko, ngwenu jita yove yinatemo, kuhenga chove vanachikonekela: kumilonga yove yosena unatambulako lyehi vyakutesamo kulivoko lya YEHOVA...shikaho.

Iwenu lizu lyayowu mwavilika ngwenyi, Longesenu jila ya YEHOVA, mupambo musulamishilenu Kalunga ketu likulakula mulikundu.

Vinema vyosena navakavilundula, na jipili naji jajinene neji jajindende navakajinyekumuna: kaha oku kwamilundumilundu, navalingisako kupwa chana:

Kaha upahu wa YEHOVA naukasoloka, vakwechi mijimba vosena navakaumona: mwomwo kanwa ka YEHOVA kanachi hanjika kana chihajika.

Jino mumu Mukanda wa Samwele, Samwele Wakulivanga, kapetulu 3, Ngwakutonda kutanga ha 1, 2, mazu ha 19:

Jino uze kanyike Samwele amuzachililenga YEHOVA kumeso a Eli. Mazu a YEHOVA apwile akutonda makumbi aze; kakwapwile kuvamwesa vyuma kakavuluko.

Kaha chasolokele ha likumbi linwe, omu alingile Eli hanasavala lyehi kwenyi, jino meso enyi aputukile kufuvalala, ngocho kahashile kumonako;

...omu lyapwilenga linongo lya Kalunga kanda lichijime mutembele ya YEHOVA, muze mwapwilenga chikasha cha Kalunga, na Samwele nawa nasavala lyehi;

Ngachize YEHOVA amusanyikele...kaha etavile ngwenyi, Yami uno Mwane.

Hamazu 19:

*Kaha Samwele azovolokele, YEHOVA apwilenga nenyi,
kaha Ikhiye kumazu enyi osena kalingilishile limwe
kuholoka hamavu.*

²⁰ Mama-a, echi chinapu mutwe wachihande wakatamo tunahase kuhanjikaho hano mukakweji, kaha tunahase kunonamo kulumbunuka chakufuma muupahu wamutwe wachihande. Oloze chimene chino, tuli kaha naminutu twende kulovoka mulwola lwa kutamo kufuma muli... Ngwashinganyeka kutanga cha shikola ya Sondo chakumu chipwe pamo nachiza hanyima, Kangwejivileko. Oloze, chipwe ngocho, Ngwatondo kuzachisa mutwe wachihande, *Lizu Lya Kalunga Muma Kumbi Ano Akukuminyina.*

²¹ Elu lunapu lwola lwakulimanyina. Etu tunatachikiza ngwetu tuli na kuhanjika vinafumu Muvisoneka, vize vya hanjika, “Kakwapwile kumwenesako mumakumbi a Samwele.” Shikangaho, “Kuze kwakuzeneka chimweno,” Mbimbiliya ngwayo, “vathu veji kunonga.” Twatela kupwa nachimweno. Kaha vimweno vyeji kwizanga kuli tu polofweto, kaha na Lizu lya Mwata kuhajika kuli vakhiko.

²² Kaha tunawane nge Eli kapwile kapolofwetoko, Eli apwile kapilishitu. Kaha apwile nakushinakajiwa, na meso apwile nakufuvalala, kahashile kumona kanawako, apwilenga muthu wamulemu. Kaha aputukile kwechela milimo ya Mwata kulyenyeka.

²³ Kaha echi chili nge lelo lino. Ngwashinganyeka liuka, lizavu na vikungulwilo, vanapunga muwande makumbi amavulu, kaha vanaputuka nge kuzeya. Kaha milimo ya Mwata vali nakuyecha nakulyenyeka, Lizu lya Muchano, mwomwo liuka, livene, linapu lyakufuvalala. Kaha tunakuzangiwa, lelo, Lizu lya Kalunga kuhajika muli yetu, kutukindulwisa cheka.

²⁴ Kaha, talenu, Eli tele nasavala lyehi, kaha na... kumona chenye chapwile nakuhona. Ikhiye apwile kapilishitu. Kaha kavapwile na chimweno hatomako chakufuma kuli Mwata. Kaha chapwile kutondewa chachinene!

²⁵ Kaha Kalunga ashikile kuneha kutondewa chawola. Ikhiye eji kulinga kakavulu ngocho. Kaha twakutonda Lizu lya Kalunga lelo, mangana kuhumangana kutondewa chawola, kuli humangana na lwola tulina kuyoyelamo. Kaha Ikhiye kunyima yakushika, natupwa vakukunyuka ngwetu Ikhiye mwalama lushiko Lwenyi. Echi chikhiko kumika chatwama namukaku kufwelela muli Tengi yenyi, Ikhiye ashika kutuhana vinakutondewa.

²⁶ Kaha, lelo, mulonga umwe unalingisa liuka kupwa museteko kana eyi yilimo, mwomwo kuli mazu amavulu, kuli mazu amavulu ali nakukoka liuka kufuma ku Lizu lya Kalunga, palanga nomu vavavulu vathu vali nakukakasana chipwe tuhu navevwa Lizu lya Kalunga Chipwe lyahanjikile mukachi

kavo. Vakhiko kakavulu vechi kuhonanga Na kuchivwishisa, mwomwo na Chipwa chuma chaungeji kuli vakhiko. Vakhiko vanakundamina chikumakuma hakuhanjejeka chalelo!

²⁷ Kaha nge natutala, Muchisoneka chetu tunatange, ngachize Lizu lya Kalunga cha pwilenga chaungeji kuli vakhiko.

²⁸ Kaha chili na kwiza cheka mujila kana lelo, ngachize Lizu lya Kalunga...Kuli mazu eka amavulu. Kaha nge Kalunga ashikile kutuhana Ikhiye kuhana Chize, kaha nge kuli mazu eka akulimbalaka na Lizu lya Kalunga, kaha jino chinapu lizu lyamuka kole wetu, kutu mbalanganyisa, mangana tuhona kwivwishisa Lizu lya Kalunga Omu mwahanjika.

²⁹ Kaha ngenatutala kanawa chapwilenga chakulifwana nachocho chapwilenga na Eli na Samwele, oloze Eli haze vene atachikijile ngwenyi Kalunga. Kaha chapwile vene nge—nge kusaula hali Eli. Mwomwo, Lizu lya Kalunga, kuhanjika kuli Samwele, amulwekele kuhenga cha Eli, ahakilenga vana venyi vamalunga kunyima, kaha vapwilenga na kumbatanga jimbongo kaha—kaha nanyama yamawana akulumba. Chize kachapwile chakwolokako. Kaha valingilenga vyuma mukuhenga, vyakuli mbalaka na Lizu lya Kalunga.

³⁰ Kaha Samwele apwile...chuma chimwe kaha Samwele atelele kulinga, kuhanjika mwakwoloka. Kaha apwile na kanengauli kulinga ngocho, mwomwo chapwile kuhingama kutesekesa nachihela kuze apwile vamutumine na kumukulishilamo, Eli na muze tembele. Oloze Eli ngwenyi, “Chihanjike.” Talenu? Kaha amulwekele mwosena omu nachikapwa, ngachize Samwele...chipwe, “makumbi a Eli akumine, kupwa kapilishitu,” mwomwo Kalunga nahanjika, kaha Kalunga apwile na kutuma Mujimbu Wenyi kuhichila muli kapolofweto Samwele. Asemukile mujila yakuhona kutela, wakukujika kuli Mwata kufuma kuwunyike wenyi. Kalunga ahanjikile na ikhiye, nge mwana, kaha apwile nakumuwahisa kumuwahishila mulimo wapwile kulutwe. Kaha lwola lwa Eli lwapwile nakukuma.

³¹ Kuli kuhanjijeka chachivulu hamavu lelo, chize chinapu chachikalu, mwomwo chapwile nakuhonesa Lizu lya Ukelenga. Kuli mazu amavulu avakakutanga, mazu amanene avindume jamalunga vavanene vali vakakutanga, ngachize, chamuseteko yakutanga, chinanyikisa namafuchi. Keshi nge vathu vamokomoko, oloze vanakunyikisanga mafuchi, kuneha mazavu amanene hamwe, kutangisa chachinene, chautongwe. Kaha muthu nahase kupwa muchimbalanganyi chachindende. Chili chakutamo kuvambalanganyisa, omwo vyuma evi nakuya na kufukila. Kaha kuli mazu nge—nge eji kukatukanga na kulinga vyuma vimwe, kaha vinakulingisanga Lizu lya Kalunga kuchitwala mweka kunyima kumwe, Lizu lya muchano wa Kalunga.

³² “Kaha Lizu lya Kalunga,” vambile ngwavo, “jino natwijiva ngachilihi nge Lizu lya Kalunga?” Mwomwo, lelo... Chize va chinjikijile muli kapolofweto. Jino, lelo, nomu etu tunejiva ngwetu Lizu lya Kalunga, mwomwo chapwa kusoloka cha Lizu lya kapolofweto. *Ou* ikhiye kapolofweto wa Kalunga. Kaha Lizu lya muchano wa Kalunga lyeji kukindulwisanga chize chivene, chachitonyi, Ukelenga wa Kalunga, na Ukelenga Wenyi wa Lizu, na kusoloka Ukelenga wa Lizu lya Muchano. Kaha jino Natwijiva ngachize chili Lizu lya Kalunga. Mwomwo, na chize Uke-... Kuli vyavivulu mukala seteko, Chize chinahase kuhonesa chizeko. Oloze, anukenu, Chinahase kuvwakuma, Nachikeze nakusoloka! Nachikazachiwa.

³³ Jino, kuli lizu lelo mukaye kamilingu. Chinapu lizu lyalinene. Kaha vathu, punduvene, mumakumbi amanene ano amilingu, navapwa... Vili vyose vyakulifutula mumaukavo na vyosena. Kaha lwola lwaluvulu, luze tunamono kalinwaha, nge lizu lya milingu lilingolo kuhambakana Lizu lya Kalunga mumauka, chipwe vathu vaka America kachi kavahashile kulinga echi vanalingiko. Talenu? Kachi kavachiligileko. Nge Lizu lya Kalunga vali tumbikile muliuka lyalitonyi, kachi kavaseukileko. Oloze lizu lyamilingu lili nangolo hamavu lelo kuhambakana Lizu lya Kalunga, palanga nomu vathu valanjishile utwatwa wau Kulishitu kumajilo apuho, kutanga, na ngolo jamilingu. Chili chuma cha sonyi kuchimona echi. Chize vene valingishile lifuchi lyetu kupwako, hali chize vatungilile, vathu valumukile nakutalisa kunyima na—na kuvotela chuma chize twasehele lifuchi likwavo. Kaha na—kaha Plymouth Rock, na *Mayflower* na vya ngocho, twayenu kuno na—na kuzamisa luheto lwalunene tulinalwo. Chikhiko chuma chivene chachinene twazungile na kulovokamo, tuli hakenumo etu vavene muvukungo vyacho, mwomwo Mbimbiliya yahanjika ngwavo mukiko nachikapwa.

³⁴ Kaha zachiso ya Eli: kapilishitu keshi kapolofwetoko. Kapolofweto ikhiye Lizu. Kaha kapilishitu apwile liuka.

³⁵ Kaha linahete ha seteko yakuputuka kupandama kuchihela kujimbalisa Lizu kulivathu kulimona nge lyaungeji. Vali nakuhona Kulitambula. Kaha mwatela enu kuchihanjika Echi, kaha Kavachivwishisako, mwomwo kavava longeseleko kuchuma Kana. Paulu ngwenyi, “Nge ndolombita nanyi hona kwimba kanawa, hiya mwejiva mwakuli pakachila kujita?”

³⁶ Vathu vava kulongesa ku e—e—e lizu lyaliuka, ndolombita ya liuka, “Etu tukwechi vavavulu mushikola ya Sondo kuhambakana vosena vakwechi.” Kavechi na kulumbunu chumako. “Etu tuli na vavavulu muvukungulwilo vyetu kuhambakana vakwetu vosena vali navo. Etu twapwa vavanene mukachi kavikungulwilo.” Talenu, lize likhiko lizu vathu valilongesa lyo. Mujila, veji kumbatanga vathu nakuvaneha kuno nakuvengisamo. Likumi lya tununu kuhambaka

tununu kunangula, vanehenumo. Vakhiko vana kunyukila muchumachika? “Etu tukwechi liuka lya linene. Etu tukwechi chikungulwilo chachinene. Etu tukwechi nambala yavathu vavavulu hashikola yaha Sondo. Etu tukwechi nguvulu wa mbongi kuchechei.” Chize chamwaza, oloze liuka lina hono kulongesewa muli kuli longesa cha Lizu lya Kalunga, Ndolombita ya Mujimbu, kuwaha muka nachilinga?

³⁷ Kaha nge chuma nachikatuka nge omu china katuka mu fulumende yetu, chasolokele ngachilihi? Liuka kalyatachikijile lizu lya Ndolombita, kaha kavatachikijile mwakulingilako. Lushiko lwalunene lwakufukila, naundume wakutanga wapwile nakwiza, kaha vatumbukile chuma chivene chize chapwile nakwiza chize vahanjika mu Mbimbiliya, kaha vanehelemo. Talenu, lizu lyamilingu! Kaha chenjikijile ngana kuhambakana Lizu lyakulifukula, kachi kavachilingile chize valingile, Lizu lya Mujimbu. Mwomwo vanatushiki vyuma vyavivulu, etu vanatushiki kufukila, kaha chakuhona kukakasana natukachitambula.

³⁸ Oloze, mwomumwe, chize kacheshi chumako kuli mukakufwelela. Tufukununenu ku Mukanda wa Hepeleu, kapetulu 11, kulichize ahanjikile Mukakujila Paulu, omwo va, mumakumbi, “Va kimbujokele mumalambu amikiko na mumalambu avapembe, vapwile vakuhutwa, nachihela chauchi, vahonenenga nakwingila mumbongi.”

³⁹ Ngwapwile na kutanga mu Zango ya Nicaea, omu vyuma vyavinene vyejilenga mu Nicaea, Loma, kunyima yamyaka makulukaji atatu kufuma haze afwile Kulishitu, muze vene mwamunene mu Zango ya Nicaea, omwo liuka lyalinene lize lyemanyine hakwoloka, vakhiko vatondele Mbimbiliya. Kaha vaze valumukile vaka Loma muli uka lyatete lya Loma vahakilemo vishinganyeka vyavatu, kwamba, chakutalilaho, nge omu tuli na Ngishimashi.

⁴⁰ Ngishimashi, Kulishitu kasemukile ha twende fafiko yakakweji—Kuvale nge omu Ngwapwa. Mwomwoika, jipili ja Yuleya hapwilenga mbundu, kaha Ikhiye... Nachili mbalaka namau upolofweto amu Mbimbiliya. Ikhiye asemukile muchishika, nge omu mikoko vakwavo veji kusemukanga. Mwomwoika Ikhiye asemukilile mulimba kuhambakana muzuvo? Ikhiye apwile Mukoko. Mwomwoika Ikhiye atelele kaha kwiza kukamenga chipwe Ikhiye kwiza kukamenga kenyi kuze Ikhiye vamupopelele, kukulusu? Ikhiye vamutwaminyine kukulusu. Enu mweji kutwaminyinanga mikoko kuchijihilo. Ikhiye apwile Mukoko. Ikhiye asemukile omu mikoko veji kusemukanga.

⁴¹ Oloze, talenu, kulinga chize, vapwile nalikumbi lyakuwhilila lyatuluga vavandende, likhiko, muzachiso yamusana, nge—nge musana mumakumbi fayifi kufuma mukaweji wa Kuvale likumbi lyakuheta mutwende chipwe na twendefaiifi

Kuvale, kakwatwama kutambukako, chamusana. Kwechi—kwechi kwalumuka hakumbi hakumbi, lyechi kushimbula na kushimbula na kushimbula palanga nomu naliheta likumbi lyacho lyalisuku chikuma mukakwji waku Kuhuhu. Kaha jino, mukakweji wa Kuvale, lili likumbi lyalihi. Kaha jino kaze kalwola kakandende katwendefai, kufuma hatwende nakutwala hatwendefai, vapwilenga nakuhema visela vyava Loma nakuwahililanga chalikumbi lyakusemuka chalikombelo kalunga musana. Shikaho jino Jupiter, ou apwilenga likombelo lyavaka Loma, kaha vengishilemo, nakwamba ngwavo, “Etu natumbata Mwana Kalunga na likumbi lyalilikombelo kalunga musana, kuvihaka hamwe nakupwa nakuwahilila chachinene.” Chize chakulimbalaka! Kaha, mama-a, vengishilemo vyavivulu muze!

⁴² Kaha omu malunga vamuchano va Kalunga vatondele kutwama na Lizu, vakufwana nge Polycarp, Irenaeus, Martin, vaze vavanene, vaputukile, malunga vakujila vatondele kutwama na Muchano. . . Kaha omu vavanehele ku Zango ya Nicaea, vathu vamwe vaze vakukanyiwa palanga natu polofweto vamwe valovokelenga vamwe muchipapa chakuzeneka chimwe hamijimba yavo shina kachihanda kalilambu lyamukoko, kutwama muze mu zango. Oloze vejivile Lizu lya Mwata. Oloze puho, makumbi aze amilingu ya manyinga, Yavahamba kanyine. Kaha twapwile natununu twamyaka yamilima, talenu.

⁴³ Oloze Kalunga ashikile ngana nge Ndolombita nayikavuma cheka. Kakavulu vathu veji kwivulilanga Lizu lyamuchano lya Lizu, kakavulu pezalisa ovyo wejikulunganga na Lizu.

⁴⁴ Kahajino lizu lyamilingu. Kaha etu mu America na vose vamukaye, tulina kuhajika lelo lizu lyahelu, kaha chikhiko lizu lya Hollywood. Chinambate kaye kose. Echa umwe afume ku Hollywood nachuma chimwe, namuchiwana mulifuchi lyose. Jino, tunamono jino ngana ngwetu avana chakutalilaho kuli maphwevo jetu, hakuwala chavo, namwakulingila najikambu javo. Navamona chize kuvwala.

⁴⁵ Liuka lyatela kutachikiza Lizu lya Ndolombita ya Kalunga hali ocho! Oloze kuli chimbalanganyi chachivulu mwomwo veka namuva monana vali nakulinga, vya kusalilaho. Kanda mukalifwanyisa enuvaveneko nge chakutaliho, mwomwo chili chakunonga. Kakavulu iwwililenu Lizu lya Kalunga, omu Ikhiye na chambe.

⁴⁶ Kaha jino natumona, ku Hollywood, veji kukatulanga vyuma. Kaha manguhajikeho hachechi shimbu kanda nguye kulutwe. Kwapwile nge—nge chuma chimwe chalovokele hanyima tuhu chindende, ngachize nge—nge muthu mu Hollywood. . . Nachimwe hali muthu jino, ikhiye alikaha mutu wakufwa uze Kulishitu afwililile, mangana akulweke yove. Vatungile kachuma vavuluka, kakuzachisa tuvanyike, vachivuluka “hula-hoop,” hula-hoop, chakufwana ngocho.

Kaha nge na mumona hanjikiso yakasutu na vyuma vyechi kukavangizangaho, chumamuka, muli vana vavandende. Chize keshi chakwolokako.

⁴⁷ Jino, Hollywood yazala na—vakakuzunga namata. Jino, wosena atachikiza mujimbu ou, vaze vatachikiza vathu vaze kumakumbi aze, vapwa vakakuzunga na mata nge—nge vakwawonawa, kavapwilenga venyembo vakalemesako, vakuhona jishimbi, vapwile vosena va Al Capone nava Dillinger. Vatwama nakukina chamu Hollywood vamba, ha—ha visaji vyamivwimbimbi, vamba, “Gunsmoke.” Kaha Ngwevwile ha *Monitor* likumbi likwavo umwe apwile nakuwimba, Arness chipwe chuma chimwe, chipwe Arness, chipwe Ngwavulyama lijina lyenyi, kaha ikhiye atelele ku... Ikhiye amwimanyinyineko Matt Dillon ou apwilenga mukulwane wa tupokola yamu Kansas. Kaha Matt Dillon apwile wausungwa nge mbwanda. Ikhiye ashile malunga mujinyima javo va twende eiti, vathu vakuzeneka mulonga, vapwile nakulovoka mu Mbongi ya Dodge kuvavandaminyina muchipapa. Kaha nge muthu umwe mweza, umwe mwamusanyika na kumulweka nge kuli umwe wamupi ali nakwiza kulutwe, shikangaho twama haze kaha, uze omu mweza, mwamwasa munyima. Jino kumuwana apwilenga “twamina wamunene” echi kwizanga. Mwomwoika, chili—chili hachohacho kutohwesa shili. Oloze vana vetu vavandende vamulifuchi lyetu vanahase kumilweza vyavivulu hali Matt Dillon kuhambakana vanahase kwambulula hali Yesu Kulishitu. Nge—nge—nge mijimbu, mijimbu ya tumangwe, na chihanda chatala hakuvwala, vinazalila muli vavandede—natumata twayundende, atumatepa twatundede tuze—tuze munahase kulanda kwosena. Chili chamwaza kutuvwala tuze, oloze yami—yami nangumilweza enu, talenu. Shikangaho vakhiko—vakhiko, kusekasana chamukaye, kuchimbata chize na kungalanyinaho mamiliyone amandola.

⁴⁸ Etu tuli navize twamba “Likumbi lya Mukujila Patrick,” etu tuli navize twamba evi “kunoka chakufukula.” Kaha vakakusekasena vamukaye vanachimbata chize, nakungalanyinaho jimiliyone jamandola. “Likumbi lyavaka Mama,” mikuta yajitemo. Mwomwoika, makumbi osena atela kupwa makumbi akulemesa mama. Ikhiye chipwe ali kwakusuku kumwe, kashinakaji, yako umutale ikhiye. Chize chinahambakana kulema kuhambana temo ize ove naumutumina ikhiye, chipwe nachuma chimwe. Talenu, oloze vanakuchimbata. Chinapu lizu, kaha—kaha hinatuhungumuka nachize. Kacheshi chakwolokako. Oloze namuya nakulinga ika? Talenu, twapwa—twapwa shina...

⁴⁹ Yami nguli nakutonda kuheta hamutwe uvene mangana ngumilweke chuma chimwe, ovwo Ngwa—Ngwafwelela. Lize Lizu kalyavulako, Lizu lya Kalunga.

⁵⁰ Jino, tunachiwane nge veji kuwanyinanangaho lihanya. Kaha enu mwachitala lyehi chize? Vakweze vamaalunga valumuka lyehi kupwa “Ricky” kaha “Elvis.” Uli na mwana walijina kana, lyalumune holyapwa vene ngana, musanyike kupwa nambala “wani” chipwe “tu,” chipwe chuma cheka. Kanda, chuma cha ponde. . . Yenu ngwenu, “Chihandwa chili hali nalijina?” Mwomwoika, pundu, chikwechi ulumbunwiso. Lijina lyove lyambata vilinga vyachiyoyelo chove. “Jino, Ndumbu Branham, uli ha kutanga vilinga vyavathu.” Nduma, Yami kangweshi ngochoko! Yami nguli ha MWANAMBE MWATA! Mwomwoika omwo Yakova, ayoyele mwaliijina lyenyi, kupwa—kupwa mukakuhungumwisa, muhuza, Yakova. Kaha omu Kalunga amwalumwine, Ikhiye amwalumwine lijina. Kalunga alumwine Saulu kupwa Paulu, Shimiyona kupwa Petulu. Punduvene, chili nachuma chimwe. Kaha Ricky na Elvis, namajina amwe angocho, anapu majina akutona cha America ali nakumbilanga mwana mwakuhona nayikhiye kutachikiza muchuma kana. Talenu omu Ngwachtwale?

⁵¹ Jino, Ngwa kuchitalila ka Ngweshi. . . Ngwatela kutwalilaho nakuhona kutwaliho hachuma chimwe, (talenu omu Ngwachtwale?) chize namuhona kumilumbunukila. Oloze vyuma vyosena evi kavyavalumbunukila chipwe muthu tuhu wanganavene. Veji kuhona kuchivwushisa, mwomwo vosevali muchiyulo chimwe. Chikhiko veji kwivulilagako vosena, aze mazu.

⁵² Kuli lizu lyava vingazule, Kuzachilahamwe, kushika vyuma vahona kuzalisa. Kaha talenu lizavu lyalinene lya vathu vamu America vanajingilika mu Kuzachilahamwe. Jino, yami ngunapunga mu Kuzachilahamwe, jingalila ja Kuzachilahamwe, mukufwana, mu Germany, kuchihanda cha kumulako ku Berlin. Vali namazuvo amanene kusolola kuweluha. Yenu nge namutala na kutambuka mukachi kavu, kajakumako mukachi. Chinapu luheto lwamakuli, vali nakutonda kushinjika vimwe.

⁵³ Kaha, mu Russia, chihela chakusemukila Kuzachilahamwe. . . Muze, myaka yaivulu yakunyima, omu Ngwapwile mukakunangula wamukweze, Nangwamba nge myaka makumi atatu kunyima oku, omu Nazism, Fascism, na Kuzachilahamwe ya katukile, Ngwambile, “Ngwami naguhajika Mulijina lya Mwata! Vosena navengila mu Kuzachilahamwe.” Oloze, mwachishinganyekaho, Kalunga natusela chihela kumwe, kachi nge natuchimbata. Kuli kaha vavandende muli vavavulu mu Russia vapwa va Kuzachilahamwe, vaze vene vavandende, oloze valinakutwaminyina. Vavandende va Kuzachilahamwe. . . vavandende vamu Russia vapwa vaka Kuzachilahamwe, chipwengocho, oloze vali nakutwaminyina.

⁵⁴ Kaha vyuma vyovimwe, Hollywood chihela chimwe, oloze vali nakutwaminyina.

55 Kafwe vihandavitatu chipwe vivali vyakuvula chavathu vamu United States vechi kuyanga kuliuka, kaha vapwa va membala vamuliuka, oloze veji kutwaminyinga vize vikungulwilo.

56 Chuma chili nakutondewa mu Kuzachilahamwe shina kukatuka cha Lizu lya Kalunga mukachi kavo, kaha Nakuchivwisa sonyi.

57 Mu Finland, omu uze kanyike walunga vamusangwile kufuma kuvafu likumbi lize, kaha vangunelele ami jitambo jitatu kufuma haze ngwapwile, na kuze uze mukwetu vamusangwile, kuvafu; maswalale vaku Kuzachilahamwe, Russians, vemanyine kuze nakumeneka chava Russian, namasola anakuhita mumeswavo. Vambile ngwavo, “Natutambula Kalunga owu mwahasa kusangula vafu.” Chili kanengauli ka liuka lya Katolika na liuka lya Luzaleni, navize vikungulwilo vyosena, kaha vali nakumbata jimbongo josena, na kutunga mazavu, kaha nakuhona kuhana vathu vimwe. Vali nakuyoya nge vathu kala. Vatwama . . .

58 Chuma china kutondewa mu Russia shina kapolofweto kulovoka na Lizu lya Mwata, lize nalihasa—nalihasa kusoka kanwa. Kaha chimbwa chachinene navambata.

59 Chuma china kutondewa mu America shina Lizu lyaka polofweto wa Kalunga, ou mwahasa kwimana nakupaisa Hollywood, nakupaisa vyuma evi muli Lijina lya Yesu Kulishitu, kaha Liuka lya Shipilitu Wajila naliyula. Kuvula chachimbalanganyi chikuma, talenu, mazu amavulu chakulimbalaka Nachikhiko.

60 Liuka, lizu lyalyo, wosena vanakutonda vamembala vavavulu. Va Mbaputisiti navakhiko vanakuchitonda, Mesondisiti vanakuchitonda, Pulishipitelyani. Etu tukwechi vyose. Kaha Vakatolika vanakusoloka nge vanakuya nakuchimbata, kaha navahasa. Ocho chili vene Lizu lya Kalunga kufuma mu Mbimbiliya. Navakayula.

61 Oloze Kalunga Wa Kulitulaho ikhiye mwakayulanga. Vaka Kujila nava kachimbata, likumbi limwe, Mbimbilya yahanjika ngocho. Nava kachimbata.

62 Chuma chakwivwisa woma mazu eka naeka amavulu! Shikaho nakukapwa lizu lya kapolofweto wakwonga. Lize linapu lizu lyakwivwisa woma, muthu uze alivuluka ivene kapolofweto. Kapolofweto, mukiko vene, apwa mukakunangula. Ulumbunwiso wa lizu lyoho lili “kapolofweto” muchanovene kulumbununa “muthu uze echi kutangisanga kaha atwama nakuhwimina.” Kuli muthu uze eji kwimanaga nakulivuluka ivene ngwenyi ngukapolofweto, nakukana Lizu lya Kalunga, nakane Muchano wa Kalunga. Kuli mazu ekanaeka amavuvulu!

63 Jino hanyima yakashimbu kakandende, kwapwile ndumbu umwe angutwaminyine mwakwijila kuno nakuheta

hano, oloze Ngwa...shinganyeka ikhiye ahuhwasanyine mwomwoika Ngwailenga mukamukwakwa lika na kwalumuka nakukinduluka cheka. Kachi nge ulihano, ndumbu, Ngwapwanga nakwivulila kuchuma chimwe, apwanga wetu—wetu uze sepa wamulatu, uze mu negro. Vakwechi tembele hano, kaha vayivukuka ngwavo, “ya Elijah Mohammed,” chipwe chuma chimwe, “mukweze Elijah Mohammed.” Akatukile na lizu, nakwamba ngwenyi vakhiko lizu nachikaneha va—va muyachi wamilatu kufuma muchimbalangayi. Chize, mwamona, chuma chivene, yava—yava—yava Moslem vali hano, na Mosque yavo. Mwomwoika, munahono kumona, aze vene maputukilo avo, akuhenga!

⁶⁴ Vaze vathu milatu, chochimwe navaze vaze vatoma, vathu vachila, na vathu vausingwa, keshi kukinduluka ku—kukinduluka ku Mohammedism, oloze twanyenu to kindulukenu kuli Kulishitu, ha jishimbi jivene jakunangula cha Mbimbiliya. Mohammedanism yapwa na kole na Lizu. Jino, Ngwapwile na lusesa lwa kuneha watu tununu teni Mohammedans kuli Kulishitu lwola lumwe ku Durban, South Africa. Vakhiko kavalowele vyekako shina kutanga vishinganyeka vyavatu. Kaha vishinganyeka vyavatu vyakwoloka nge vize vishinganyeka vyavatu kavyeshi kukana Lizuko. Oloze vishinganyeka vyavatu navikana Lizu, kaha vishinganyeka vyavatu vyakuhenga. Vili nakuhana chivumino chakuhona kulumbunuka. Kuli vyosena navika hita oloze Lizu lya Kalunga, Yesu ngwenyi, “Melu na mavu navikahita, oloze Lizu Lyami kalyeshi kahitako.” Shikaho, talenu etu twatela kutwama na Lizu, Lizu.

⁶⁵ Shikaho chimbalanganyi chavulu! Vathu vachimbachile, kavejivile Lizu, kaha navakwamba vyuma, pamo nachivwakana chamangana. Kuzachilahamwe hichuma chamangana, “Vosena mwomumwe. Kuze kwechi va kulimanyina, vosena vanapu vaka Kuzachilahamwe.” Mwemanaho lyehi nakushinganyekaho nge chinapu kuhizumuka chamakuli, chize Kuzachilahamwe? Kaha vachi fwanyishile na chuma muka? Ngwavo...Yesu ngwenyi, “Ma shipilitu avali nawakali hata, nakahasa kuhungumwisa va Kusakula nge chahashile.” Kaha vyosena liyavolo alinavyo, chili kuchongonona chavyuma atengele Kalunga. Shili ili—ili kwoloka vana chongonona. Makuli ali Muchano vanalumbununa mwakuhenga. Ujila ili—ili, chilinga natutongwela etu Kalunga, vana chongonona. Kuzeneka kufwelela chose chinapu kuchongonona chakufwelela. Enu kuvanga mukane Muchano numba mumbate—kuchongonona. Talenu, ololenu awa mazu, vesekenu na Lizu kaha mumone nge chili Muchano.

⁶⁶ Mama-a, omwo tunahase kuya lika lika, hali awa mazu alelo, oloze lwola lwetu lwahichi. Oloze, mazu amavulu analingisa watu kuhona mwakulingila. Va Mesondisiti kumakumishilo nakevwa

muka kunangula wamu Mbaputisiti, navaya kuze, navatwamako katando kakandende kaha navaya ku Luzaleni. Kaha mu Pendekosita, vali na mazavu akuhandunuka, ou mwalahila kuli mukwavo, umwe kumukwavo, ngocho vene hinavayanga. Echi china lumbunuka nge kamweshi vakuzamako. Iwvililenu Lizu Lyenyi! Echi Chilihano, vanachisoneka hali papilo, Lizu, Lizu navakachijikiza nge Chili Muchano.

⁶⁷ Liuka lyakaye kavejivile mwakulingilako, milingu yakaye yinengila mukunonga. Vyosena vyasoloka kuya mukunonga. Vamwe vanalahila kuno, vyeka vinakukatuka, tuhuma tumwe, vyashi vimwe. Omwo Ngwapwanga ku Loma, vambachile misumali nayitini yakwijikiza vafumishile mulivoko lya Yesu; kaha kwapwile jitatu, oloze vapwile naujiho wamisumali yakuhandunuka nayitini. Jino, chihadwa muka nachipwa nou ali na misumali? Kulishitu katuselele misumali yakulifukulakoko, Ikhiye atuselelele Shipilitu Wajila, ha Lizu Lyenyi! “Evi vijikizo navikalamanga vakakufwelele, nava kapwa na misumali yivene”? “Nava kapwa...Evi vijikizo navikalamanga vakakwitava, nava kapwa kuchikungulwilo chize Ngwaputukile”? Ikhiye kaputukile na chimweko. Talenu omu lizu linalimbakala?

⁶⁸ Oloze, “Evi vijikizo navikalamanga vakufwelele; muli Lijina Lyami navakahanga vandemone.” Lize likhiko Lizu. “Nava kahanjikanga mumalimi amahya; nava kakwata manoka, kavechi kukava kolesako. Kachi navanwa chuma chakufwa, kacheshi kuvakolesako. Kachi nge navakanangika mavoko avo hali vakakuviza, navakayoya.” Kaha enu mutale evi vijikizo kuhakilaho na Visoneka kuvihaka hamwe.

⁶⁹ Jino, echi ukawacho kacheshi kuhasa kwijikizako, kacheshi ngochoko. Mukiko muze yetu va Pendekosita twaile mujila yakuhenga. Kumana Yesu kambile, “Vavavulu navakeze kuli Yami muli kumbi lize, kaha nakwamba, ‘Mwata, kumana ka Ngwalingile vyuma vyangolo muli Lijina Lyoveko? Kumana ka Ngwalingile upolofwetele mu Lijina Lyoveko? Kumana ka Ngwalingile vyuma vyosena evi mu Lijina Lyoveko?’” Kaha Yesu ngwenyi, “Fumenu kuli Yami, enu mweji kuzatanga vyaupapwoke, Kangwa mijivileko.” Enu munamono, vandambwami vama phwevo na vama lunga, mwomwoika Yami nguli nakupaisa evi na kukunyukisa chino chisemunwuno? Enu munahase kuhanjika mumalimi avathu nawa Avangelo, enu munahase kukina mu Shipilitu kujinguluka muliuka, chize kacheshi chuma Chimweko.

⁷⁰ Yami ngunamono Mohammedans kukina nakujinguluka ngachize. Yami ngwevwile kuli ndotolo...muchilombo chavimbanda, kumona valo ji kwimana nakuhanjika mumalimi nakuwalumbununa, kaha kulweka vyuma navikeza kulutwe, kaha chasolokele muli ize jila. Yami ngwamona lyehi sonekeso kukatuka kusoneka mulilimi lya kuhona kutachikiza, kaha

umwe kaha atela kulitanga, kaha apwile waliyavolo. Enu kamweshi kukundamina makumishilo enu Ahayamyaka havyuma vyakuwahililako. Satana nahase kulondezeza kala vyuma ovyo vyakuwahila. Keshi...Kacheshi kumwijiva Kulishituko, chuma chimwe chatela kwalumuna chiyoyelo chove. Tala chiyoyelo chove kaha uchifwanyise na Lizu, kaha umone ulihali. Hituluka muchiyoyelo, punduvene.

⁷¹ Chipwetuhu kuli vyakuli fwayisako, mazu amakuli, tupolofweto vakulyonga, vyosena evi vili nakukatujoka, Yesu mwomumwe ngwenyi, chipwetuhu vyosena evi, “Kachi nge muthu mwevwa Lizu Lyami kaha nakungukavangiza Yami.” Ikhiye Lizu. Iwvililenu, kutuma chenyi Ikhiye kuli yetu lelo, mumazu enyi osena. Muze, Ngwami na chimbata jiola kulumbununa awa mazu osena. Kaha chili chimbalanganyi muli vathu, chuma cha keke. Kaha, kunyima ya vyosenavi, kawatela kumbata lihanya lyamuchivaliko, watela kuchimbata Hanovene. Pamo kaweshi kumbata lihya eli ufukuuno. Pamo kamweshi kupwa nalihanya eli hameneko. Lwola luno vene! “Omu enu namwivwa Lizu Lyami, kanda kukaluwisa muchima yenuko, ngemuze mumakumbi akusowangizako. Jino luno hilwola. Luno hilwola lwakutwitavila kachi nge muthu mwevwa Lizu Lyami.” Chize chinapu kusolola nge Lizu Lyenyi nalipwangako lika namukachi kakunonga. Ikhiye akwechi Lizu! Mwomwoika? Lizu Lyenyi nalika twalilangaho. Hano lili, “Melu namavu nawakahita, oloze Lizu Lyami kalyechi kukahitako,” Lizu Lyenyi.

⁷² Echenu tumbate, ngwami, minutu ikwavo ya fayifi, washi washi. Enu namuhasa, enu munahase kutwama ngocho, chipwe minutu yayindende? Jino, Nangulahako. Echenu tumbate vaze vevwile eli Lizu Na kulyononokela. Chavalingishile kulinga ngachilihi, Omwo chavalingishile. Jino Nguli nakuya nakutumbuka vyavivulu—Visoneka vimwe hano, mangana mwakusalama kuli yenu: Omwo chalumwine kuyoya chavo navosena navaze vapwile navo; omwo vapwilenga vyuma vyakusehewa, etu twechi kuchivuluka ngwetu “chakusehewa.” Muthu wose uze afwelele Kalunga, vamumwene kupwa wa kusehewa. Mwomwo, nge uli mujila yakaye, kuli chuma chimwe chinahenge nayove. Kupwa muka Kulishitu watela kupwa wakusehewa. “Vose vaze navaka yoya mwakumukomoka kalunga hali Kulishitu Yesu navamona malwa kuli vaka kaye. Ikhiye apwile mukaye, kaha kaye vakatengele muli Ikhiye, kaha kaye kakamwijivile Ikyeko.” Washi washi jino, iwvililenu kanawa omu tuli nakusoka.

⁷³ Alama ivwile Lizu Lyenyi, mukuunda chachingoloshi, kaha apwilenga nakulikata Nenyi. Kuze kakwapwile kupayako na Alama. Ikhiye ivwile Lizu Iya Kalunga, kaha ikhiye ngwenyi, “Tata, jino ngusavalike Ngusavale.” Kaha ikhiye amusavalikile, kaha Eva hamavoko enyi, ndumba, chisupa,

na tunyama vamuchipapa vasavalile kwakamwihi nayikhiye vanamujinglika, kakwapwilenga vyuma vwakumulemekako, najila yakuviza yapwile yauchiko, kakwapwile kushinganyeka nge naguhinduka chimene nyi chiku, navaya nakuhinduka. Alama ewvile Lizu Lyenyi mujila oyo atelele ikhiye Kwivwa.

⁷⁴ Oloze likumbi limwe ewvile lizu lya puwenyi. Nanguchiseza ocho chindende. Oloze ikhiye ewvilile ku lizu lya kwonga, ohonyi apwilenga puwenyi, uze apwile hakamwihimwihi na ikhiye hano hamavu. Mwomwoika ikhiye, kupwa nge Yopa, “Uli nakuhajika nge phwevo wachileya”? Kaha chinahase, kachi vathu vosena vapwa vaka kuyoya kuhambakana kufwa. Echi chalumwine kupwa cha muthu na lwola. Oloze ikhiye iwile Lizu lya Kalunga, apwile Na kuli katanalyo, oloze omu ikhiye alumukile... Atachikijile ngachilihi nge puwenyi na henge? Anukenu, chapwile chamwaza.

⁷⁵ Etu tuli nakushinganyeka lelo ngwetu mazavu etu, liuka, etu tuli nakushinganyeka nge kufukila chetu lelo Kalunga ali nakusuuluka netu. Chinakusoloka nge chamwaza. Chasolokele chamwaza omwo Mikaya kumeso yatu polofweto makulukaji awana, kaha lifuchi lyosena lyapwilenga lyavo, kaha va Fwilishite vapwile nakulikavangiza, chipwe va Sulya, chasolokele kuwaha. Ava tupolofweto valwekelenga, “Yenu kuze, mwomwo lyapwa lyetu. Litambulenu!” Oloze kalyapwile Lizu lya Kalunga ko. Kaha Mikaya alumukile na kushinga lize lizu. Kaha ikhiye atachikijile ngachilihi mwakuchilingila? Mwomwo chimweno chenye chapwilenga chakulinunga na Lizu. Ize ikiko kaha jila yakuchifwelela na kuchimona nalelo, chatela kupwa ha Lizu.

⁷⁶ Kahajino munamono? Omwo Alama ewvilile lizu lyeka keshi Lizu lya Kalunga ko, puwenyi ivene... Kaha liuka lili nakwivulila ku lizu lya lizavu, kuhakamo vishinyeka vyavathu keshi Lizu ko, kulingisa vakhiko kuyoya mukala jila vanatondo. Chachikalu vali nakuya kuliuka kaha vali vamembala va liuka limwe, chikhikokaha valinakutonda. Chuma chahakamwihi cha kuvanungisa chili na mukakufwelela hano hamavu, kulivakhiko, shina liuka. Oloze muka kufwelela, mukufwelele wamwemwene, chuma chakuvanungisa chili Shipilitu Wajila, likhiko Lizu lya Kalunga.

⁷⁷ Shikaho enu munatachikiza Alama ejivile chiyoyelo chenye, kaha ikhiye ewvile Lizu lya Kalunga kumusanyika, kaha ikhiye apwile mafwo amukuyu. Oloze chapwile Lizu lya kupaya, “Mwomwoika unalingila echi?”

⁷⁸ Ngwashinganyeka America lelo, chipwe kaye nakulifukula chacho, nge omu chili, America yilinakumina, vakuyimina, kupwenga kulifukula chalifuchi linwaha. [Hatepu hapimbi—Muka.]

⁷⁹ Hiya ou natwame kumeswami? Ngunejiva eji jitepu naji kaya kukaye kwosena. Etu tuli namulimo wajitepu, mangana Mujimbu uye kukaye kwosena, nakumafuchi osena.

⁸⁰ Chamwaza, jino nge enu namutala na kumona, munemana kaha mumafwo amukuyu. Omwo Lizu lyamuchano lya Kalunga nalikalovoka, navakahona namwakulingila. Chili chimbalanganyi, kavejivile mwakulingila.

⁸¹ Washi washi, Nowa ewvile Lizu lyaka Kalunga. Wakuwahisa mwakulwilila mono wenyi, kaha akavangijile jindondelo kaha emanyine.

⁸² Nge muthu mwewva Lizu. . . Jino ivwililenu, kwatenwechi kanawa. Kanda kuhonako. Nge muthu mwewva Lizu lyachuma Chimwe, nge Nachinjikijiwa kupwa Lizu lya Kalunga, kaha mulwola, kaha lili nakulovoka mukanwa kamuthu, melu na mavu navika hita oloze Lizu kalyeshi kahitako.

⁸³ Nowa ewvile Lizu, kaha apaishile kaye. Kaha vamusehele mumeso enyi mwomwo uze—uze Mujimbu kawendele hamwe nakuhasa cha sayasiko, oloze yanokele nakunongesa kaye kosena. Talenu? Lizu lyenyi lize lyaile, mbutu muyapwile. Muchisemunwino chosena chapwilenga chochimwe.

⁸⁴ Samwele, embile ngezo omu ewvile Lizu lya Kalunga, nge ikhiye apwile. . . atwalileho kumupaisa Eli, muthu uze amulelele ikhiye. Muthu uze apwile tata yenyi amukulishile nakumulisa.

⁸⁵ Vandumbu vakakuzata, Ngupwe? Vakakuzata, lwola lwaluvulu, kwimanyina havikuku yavi kungulwilo vyavo na vishinganyeka vyavathu, na kulema chamujimboloso javo, na muwinyike wavo, aze vene mazavu avakulishile na kuvalisa na kuvaneha na kuvahana vihela nakuvahaka muliuka, nakuvahaka muchikungulwilo, mwatela kuwa kukunangula chavo. Talenu? Omwo nachipihya kuli ngamba ya Kalunga wamuchano kwiwva Lizu lya Kalunga kaha himwakinduluka kuli naye lizavu, ngwenyi, “Uli wakupaya mwomwo munakane kutambula Lizu.” Chuma kana!

Chapwile chachikalu kuli Samwele. Oloze apwile kapolofweto, atelele kuchilinga. Chipwetuhu nachikolesa chipwe nduma, ikhiye atela kuchilinga vene.

⁸⁶ Mose ewvile Lizu lya Kalunga. Ikhiye azalile nakunangula cha shikola. Ikhiye ejivile vyosena *namukachi* na *haweluka*, oloze chahonene. Ikhiye ewvile Lizu lya Kalunga, Mose kapwile chochimweko.

⁸⁷ Kaha na muthu na umwe pimbi apwa mwomumwe. Enu munahase kwivwa mumatwitwi na—na kuhanjika cha Lizu, oloze omu namwivwa mumuchima wove, kuhanjika cha Lizu, talenu, kahajino uli nakwivwilila. Kamweshi kuhasa kumona naliso lyoveko. Weshi kutala na liso lyove, weji kumona na muchima wove. Enu namumona chuma chimwe, ngwenu, “Ami

kangwachimweneko,” kumana kuchivwishisa pimbi. Katwevwa namatwitwiko, twechi kwivwanga na muchima. Kakavulu matwitwi echi kwivwanga muchano wa Lizu lya Kalunga, Lyechi kuhitanga nge meya helu lya nyima yaphato. Oloze nge munevu vene, namwivwa namichima yenu.

⁸⁸ Kaha kutanga cha shikola chize chapwile na Mose, ikhiye evwile Lizu lya Kalunga. Oloze likumbi limwe Kalunga asanyikile ou kafunga wa myaka eite kusali yimwe nakuhanjika nenyi, kaha Na ikhiye achikwachile. Ikhiye achijikijile nge Ikhiye apwile Kalunga. Chuma chatete Ikhiye alingile kuli Mose, chapwile kwijikiza Lizu Lyenyi, “Yami nanguya na kushikumukako, Ngwanuka chize Ngwashikile.”

⁸⁹ Kaha echi chikhiko chize Ikhiye ashikile vwakuma kumbi akukuminyina. Ikhiye mwakatula vathu kufuma Kumafuchi eka na eka, kaha jishiko josena.

⁹⁰ “Echi Ngwashikile.” Ngwenyi, “Mose, zula mendelo ove.” Mu mazu, akwavo vumbika Echi. “Jino mbila mukombo wove.” Kaha mutondo wa—wakuma mupambo yakuhona meya yalumukile kupwa linoka, kaha Mose amukwachile, kaha walumukile kupwa omu wapwile cheka. Talenu? Ikhiye ejivile ngwenyi ikhiye Kalunga, mwomwo Kalunga ngwenyi, Lizu lya Kalunga, Lizu lize apwile Ikiye nakuhanjika, ngwenyi, “Mbila hamavu mutondo uli mulivoko lyove.” Chize chapwile Lizu lya Kalunga. Kanda ukalinga chuma chochimwe, chize kacheshi kukapwa Lizu lya Kalunga kuli yoveko, chize chapwile Lizu lya Kalunga kuli Mose. *Eli* likhiko Lizu lya Kalunga kuli yove! “Mbila hamuvu mutondo.” Walumukile kupwa linoka. Ngwenyi, “Jino uli nawoma wacho? Mukwachile kumukila,” kaha akindulukile cheka. Lizu lya Kalunga kuli ikhiye. Chuma muka Alingile? Kalunga ejikijile Lizu Lyenyi.

⁹¹ Ngwapwile nakusanyikiwa tukweji twatundende tuhu hanyima aha, pamo, chapwile, mama-a, chapwile pamo kunahichi mwaka umwe, kusali yamwaka unahichi. Kanyike wa phwevo kusongo yatambo yashinga, na mukakunangula wamu Mbaputisiti na mukakunangula wamu Pendekosita. Ambile ngwenyi, “Ndumbu Branham, Mwata nangulingisa yami kupwa kapolofweto waphwevo.”

Ngwami, “Chamwaza.”

⁹² Ngwami, “Unejiva, Vanangulweze ngwavo ove ngwove—ove uli naujiho ngachize mumulimo wami wa Kalunga.”

⁹³ Jino, Kangweshi kuhasa kulinga chizeko, chili chakuli mbalaka na Lizu. Shikaho Ngwami, “Phwevo, chize kuseuka. Kangwa kwijivako.”

⁹⁴ Kaha uze mukakunangula wamu Mbaputisiti, Ngwamwiwvile ikhiye, Ngwamwiwvile uze mukakunangula wamu Pendekosita. Ikhiye ngwenyi, “Chamwaza, nguli nakupwa

nachiwanino hano.” Kaha ngwenyi, “Mwata ali nakulinga vyuma vyavinene.”

⁹⁵ Ngwambile ngwami, “Ngunasakwila hali ocho.” Ikhiye ngwenyi . . . Ngwambile ngwami, “Ikhiye akulwezaho lyehi yove chuma chimwe?”

Ngwenyi, “Eyo, Ngulinakwala chachinene mu livoko.”

⁹⁶ Ngwambile ngwami, “Ocho kuwaha.” Ngwambile ngwami, “Jino, kwala chove chika?” Ngwambile ngwami, “Mwata akulwezele chuma muka?”

⁹⁷ “Ikhiye ngwenyi, ‘Yako ku Phoenix, Arizona, hali *ha-ha* likumbi, kaha Nanguya kakuhana Mukoti wa Ulu najimbalisa ka Dutch, kaha muya nakumbata ize ulu nauka wanamo kaha nauya nakukafwa tu mishonali kaye kosena.” Omwo etu tuvoseni tunejiva ngwetu uze Mukoti waka Dutch unapu wakulimanyina. “Shikaho Ikhiye ngwenyi.”

⁹⁸ Ngwambile ngwami, “Chamwaza, Yami nanguya nakukulweza nge chili cha Kalunga chipwe nduma.” Ngwambile ngwami, “Ove ukapwe kuze lize likumbi. Kaha nge chili hali ove mukawana uze Mukoti wakuimbala wauze ka Dutch, kahajino na chipwa Kalunga. Nge kaweshi kukawana uze Mukoti wauze ka Dutch, kapihilile na kwalumuka nakufumisa shipilitu yamakuli muli yove.” Ize ikiko jila yakutachikijila cha Kalunga nyi pimbi.

⁹⁹ Kalunga ngwenyi, “Mose, mbila chitondo hamavu, kaha nachalumuka kupwa linoka.” Ikhiye achilingile. Ikhiye ngwenyi, “Mukwate mwalumuka kupwa chitondo cheka.” Ikhiye achilingile.

¹⁰⁰ Nge Kalunga mwashika lushiko lwa mulimo mumakumbi akukuminyina, Ikhiye mwachijikiza nge omu muze vene mujila Ikhiye achambilile Ikhiye mumwachilingila. Kahajino mwijiva nge uli na Lizu lyakwoloka. Uli na kwivwulila Kuchuma chakwoloka, mwomwo lili Lizu vanejikijiwa. Talenu? Mama-a, mujila imweili . . . Yami vangukonekele, Ngwa . . . Chose chamwaza.

¹⁰¹ Mose azachile mwakuhambakana. Tala chuma cha—cha kuseha Mose alingile. Jino, kakavulu nge muli nakukavangiza Lizu lya Kalunga, naupwa wakuzaluka, kukaye. Likumbi lyamuchivali, vamuwanyine Mose, na puwenyi natwame hachimbulu, na vana vavandende hamahiji, chipwe chili chakusango, “namwana” hamahiji, mukiko vapwile. Nayou kashinakaji nawevu unazezumuka *ngana*, nakuvyakuma mumutwe walyaja, chitondo mulivoko lyenyi, kutwaminyina chimbulu, kuya ku Ejipitu na ngolo josena omwo ahashile. Umwe ngwe, “Mose, uli nakuya kuli?”

¹⁰² “Kuya ku Ejipitu, na kumbata chize.” Chizevene ahonene omu apwile mukweze, ahonene omu apwile liswalale, oloze hano

ali nakuya nakutambula. Kaha achilingile. Mwomwoika? Ikhiye ewvile Lizu lya Kalunga Nakumona kuchijikiza halikumbi lyenyi, ya vyuma vize vyatelele kupwa mulikumbi lyenyi. Ikhiye achimwene.

¹⁰³ Paulu, Kafwaliseu wakulimanyia, wakuzala nakutanga cha shikola nge omu apwile, oloze likumbi limwe ewvile Lizu lya Kalunga. Ikhiye amwene Panda ya Kakahya, kaha ikhiye ejivile chuma chimwe chinahandunuka. Chalumwine chiyoyelo chenye. Chipwetuhu va Fwaliseu vavavulu, kwapwile va Ngamanyele vangahi chipwe kala chuma hanjikile hali Paulu, “uli wakuhenga, uli wakuhenga,” Paulu ewvile Lizu lya Kalunga, ikhiye ejivile ngwenyi ou napu Muchano.

¹⁰⁴ Petulu, nakulifukula chose chize apwile nacho, kulama chisemwa chava kulwane, kahashile kulya kala nyamako. Nduma, mwane. Ikhiye kahashile kulinga na chimwe navizeko. Ikhiye vene alaminenga chisemwa chavakulwane jenyi, omwo lyaya Lizu. Chasolokele ngachilihi? Likumbi limwe ewvile Lizu lizeya Kalunga, “Kanda wamba chize nge chamajiloko, vize Ngwatenge vitoma.” Ikhiye apwile muthu wakwalumuka. Ikhiye apwile wakulizanga nakuya kwose Mwata amutumine.

¹⁰⁵ Mukusoka, Nangwamba ngana ngwami. Kwapwile muthu mwewwile lwolalumwe apwile mukakufwelele. Ikhiye afwile mwahichile makumbi awana. Ikhiye apwile muchimbumbwe, nanuku, napolo, oloze ewvile Lizu lya Kalunga kuhanjika, “Lazalu, lovoka!” Kaha Kachi nge chanehele muthu kunyima yakufwa napolo, nyi na Chihona ngachilihi kuliuka lichili na kuyoya mulikhiko? Chatela kuvasangula vakhiko, muunyengwe wa mazu amavulu awa tunahanjikaho, kulifukujyola, milingu, Hollywood, vakuyongela upolofweto vosena navyuma vili nakuhitamo. Mukachi kavyosena evi, Lizu lyamuchano lya Kalunga nalisanyika muthu, uze wakufwa mushili na nakuzombojoka jishimbi, kukuyoya cheka. Chakutondewa liuka yakuhiluka kunyima na kuneha kukuyoya cheka. Pundu!

¹⁰⁶ Anukenu, mukusoka, Nangwamba echi, kaha Nangusoka. Yesu ngwenyi, “Lwola nalukeza, omwo vaze vose vali muvimbumbwe navakevwa Lizu lya Kalunga.” Kaha nayenu namukaya Nakulivwa. Chipwetuhu namukapwa mukala seteko, munakaya Nakulivwa vene. Kaha vamwe vaze navakalovoka muvimbumbwe, navakeza kukuvapaisa. Vevwile Lizu, oloze chili Na kuvapaisa. Kaha nge Na mulivwa lelo, “Lelo, hanyima yalwola lwalunene, omwo namwivwa Lizu Lyami, kanda mukaluwisa michima yenuko, nge muze mumakumbi mwangu sowangijile.” Kaha kachi enu, enu mazavu ja vathu vamu Pendekosita munakukulila mukunangula chavatu cheka, vyamukaye, “kupwa nachifwanyisa chakumufwana kalunga na kukana Ngolo jyacho,” shimbukanda muka sangukile kukusopesa, mwomwo Lizu lya Kalunga lilichili nakuhanjika kuli yove kuhichila muli Lizu nalikampaisa mulikumbi lize.

¹⁰⁷ Kachi uli mukakufwelela wasalusalu, Lizu Iya Kalunga lichili nakuhanjika kumumuchima wove chimene chino, “Uli mukakufwelela wasalusalu,” watela kwalumuka nakupihilila!

¹⁰⁸ Enu malunga, maphwevo, vanyike vamalunga chipwe vamaphwevo, uze keshi nakuyoyela hali Kulishitu, kaha Lizu Iya Kalunga linakuhanjika kuli enu kuhichila mu Lizu Lyenyi kaha ngwenyi “echa kulichize,” yove watela kuchilinga. Mwomwo uli nakuya Na kulichivwa likumbi limwe, kaha Nali kakupaisa ove. Ove kaweshi kuhasa Na kulikanako, Lili nakuhanjika kuli yove holili. Kaha, anuka, lili Iya kukopa.

¹⁰⁹ Kaha vaze veji kulinganga mwakwoloka kaha nakwivwa Lizu Lyenyi, navakasangukila kukwoloka, ku Upahu, ku Melu.

¹¹⁰ Shikaho nauya nakwivwa Lizu Iya Kalunga lwolalumwe. Pamo lili nakuhanjika kuli ove mukanyinginyingi kumuchima wove Na chimene chino, nge watela kwalumuka kufuma kujila yove uli nakuya, kwalumukila kuli Kalunga. Jino, anuka, nava kakopa lize li Lizu linakuhanjika kumuchima wove, mu Melu. Kaha likumbi limwe omu Yesu mwakasanyika, vose vaze vali muvimbumbwe, vose, vakwoloka na vakuhenga, navakasanguka. Kaha vene eli Lizu lyolimwe nalikakuyevetela kuli yove, “Mu Phoenix, Arizona, ha chimene cha Sondo *chimwe*, omu mukakuzata amishimbwishile, kuhanjika ha Lizu, Ngwahanjikile kuli yenu; ngwamilwezele enu maphwevo kwecha jikambu jenu jisuwe, echenu kuvwala cha unyengwe; ngwamilwezele enu malunga kwecha makuli, kunwa makanya; ngwamilwezele enu vakunagula alumukilenu ku Lizu Iya Kalunga.” Talenu omu Ngwatwale? Chize chakwoloka.

Kaze ka Lizu kakandende ngwalyo, “Chinahase kupwa chakwoloka.”

¹¹¹ Kachi nge Ngwejile nge Nyikotemu, Kachi nayami nangweseka kuyako. Kachi nangwiza kuli Ikhiye, kaha nakulovoka mupambo kumwe, kaha nangwamba, “Mwata Kalunga, Yami uno hano, ngwalumune jino. Nguumbe yami mu mukuzanga Chove.” Kindulukenu ku Lizu. Kumakumwe unashinganyeka muze unamono uli nakuseza Lizu, kinduluka kuli chize, mwomwo lilenge kukola chalyo haze lyazeyela. Kaha hosena haze muchiyoyelo chove unasela jishimbi ja Kalunga, mangana kuzachila chisemwa, haze vene lilenge lyove nalivatukila chipwetuhu wazama heka hakwavo. Kwachilila kuli voko Iya Kalunga lyakuhona kwalumuka.

¹¹² Echenu tulombe. Lelo, hanyima yalwola lwalusuku, Mwata, Enu Mwambile ngwenu namukahanjika, Enu namuka soneka jishimbi Jenu hamalolwa amichima yetu. Kangwejivako ovyo vinemana kulutwe lwami. Chuma kaha Ngwejiva kumbata Lizu Lyove Na kulitanjisa, pundu Na litwama mwishi yalilolwa kumwe. Ngwalombo, Kalunga, ngachize Enu muhanjike kuli mukweze wose muno, vupu wose, kashinakaji, kala wosena.

Hanjika kumuchima wami, Mwata. Hanjika kumichima ya vakakuzata. Hanjika kumuchima wa chikungulwilo.

¹¹³ Etu twalombo, Tata, ngachize lelo twivwe Lizu Lyove. Kaha tunejiva, nge omu chapwile hamakumbi a Samwele, chimweno chahatoma kachasolokelengako, chahomweselenga vathu. Shikaho mukiko chili lelo. Etu tuli na vilota navakakulota, tuli vakakuhanjika navakulumbununa, oloze chimweno chahatoma cheji kwizanga na Lizu lya Mwata, kaha nakwolola. . . .Etu twalombo, Tata wa Mwilu, ngachize ngachize Lizu lyapwilenga nakutambakana mupambo, “Wahisenu jila ya Mwata,” ngachize twafwelela kwetu Shipilitu Wajila mwatuhana cheka Lizu eli lelo, “Wahisenu Kwiza cha Mwata!” Kaha omwo Na chisauka, ’mwomwo kuli mazu amavulu Naku chizeyesa Na kuchifumisa, oloze Chili chamwaza muma twitwi avaze vali Na kwivulila. Ngwalombo ngachize Shipilitu Wajila jino mwazata mumichima yetu yosena.

¹¹⁴ Kaha shimbu tuli na mitwe yetu yakunongama, kaha Ngwafwelela namichima yetu nawa yakunongama: Kachi unejiva mumwe muze unahono kwononoka muchiyoyelo chove, tachikiza Visoneka vimwe, chize unejiva chize Mbimbiliya yanagula chize unahona kutambukila nacho hamwe, mwomwo chuma chimwe, lizu lyamu Hollywood chakulingishile kulinga chuma chakuhandunuka. Chihela chimwe enu vakakuzata munawene chihela mu Mbimbiliya, chize chinapu Muchano, oloze munejiva lizavu lyenu linahase kumifumisamo nge namunangula Chize, kaha enu munejiva mwa mwenemwene Muchano. Kuli enu vathu mwambata vyuma vyakuhenga, mwayoya chiyoyelo chakuhenga. Enu va tata nava mama mwanakuhona kwolola vana venu, mwakuhona kweseka kuvakulisa. Mwatela kweseka mwosena, kaha vali nakutwalilaho mwakaye lika, oloze mwakuhaka chakutalilaho kumeso avo. Kaha kachi nge kamweshi nakuchilingako, Lizu lya Kalunga lili nakuhanjika kuli yenu, “Kanda kulinga ngochoko.”

¹¹⁵ Kaha jino namitwe yakunongama na meso osena akufwika, kaha echenu Kalunga wa Mwilu atale mukachi kamuchima wamuthu uze uli nazala kaha awane chihela chize haze vanaluu. Kaha nalivoko lya kuzundula kuli Kalunga, kwamba nge, “Mwata, Muchano vene ngwafwila Lizu Lyove lifumise kuzeneka kufwelela chosena, kaha na vyuma vyosena vyakuhona kufwana Yove, ngulingise kupwa omu unatondo Yove yami kupwa.” Munahase kwolola mavoko enu, shimbu enu. . . ? Echa Mwata akisule. Kalunga amikisule.

¹¹⁶ Kahajino Mbimbiliya ngwayo, Yesu ngwenyi, kaha chipwetuhu kuli mazu eka na eka, “Oloze nge muthu mwevwa Lizu Lyami.” Mukavangizenu Ikhiye, namuya nakutambula kufwila chenu.

¹¹⁷ Mwata, lwola luna kuya. Oloze Mbimbiliya yamba ngwayo, “Veshovo vavavulu vamufwelelele, vava jimikile.”

Ngunalombo, Tata wa Mwilu, vase vosena vemikanga mavoko avo mukulikonekela chamuchano, ngachize Lizu lya Kalunga lize vanatange, kaha nakulimona nge vanapunga vakuhenga. Kangwatalile hachihanda chavoko. Kacheshi chayami kutalako, cha Yove kutala, Mwata. Ove unejiva kujina na kufwila chili mwishi ya livoko linazunduka. Vechenu, kufuma halwola luno, haka punga yove mumichima yavo, “Kufuma halikumbi lino, nakutwalilaho, Nangumbata Lizu lya Kalunga na Lizu lya Kalunga, na kulikavangiza chipwe Tuhu ndando nayipwa ngachilihi.” Kaha vachimbate muvishinganyeka vyavo, omu navaya, nge mukakusoneka myaso, “Kumana Yesu ambate kulusu ukawenyi, kaha kaye kosena kayenga mukukasunuka? Nduma, kuli kulusu ya muthu wosena; kuli kulusu yami. Kaha eyi kulusu yakujila Ngunambate, palanga nomukufwa numba ngukakasunuke.” Kahajino omu Lizu lya Kalunga nalihanjika, “Yami nangwiza mukwoloka Chenyi, mwomwo Ngwakavangiza Lizu Lyenyi, Lizu lya Lizu Lyenyi.” Ngwavakunjika kuli Ove jino, Mwata, muli Lijina lya Yesu Kulishitu.

¹¹⁸ Jino shimbu tuli na mitwe yakunongama, omu muli nakulikonekela na kulishika. Yami ngwalikomokela hali kanyike walunga natwame hano, alina kunyenguwisa mutwe kuno. Kaha kuli Lizu lya liuka, “Yami Mwata Ngweji kukanga misongo yosena.” Lize likhiko Lizu lya liuka. Kaha nayenu vosena muli nakutonda kuka, kaha muli nakuyoya chakujila ku Lizu lya Kalunga lize mwejiva ngwenu lyakwoloka, kaha enu muli nakutonda enu kuka, Nangwamba nge zundulenu mavoko enu. Zundulenu mavoko, “Mwata, Ngwakutonda kuka.” Chakwoloka.

¹¹⁹ Jino, lamenu Lizu eli mumichima yenu, “Yami Yehova muka kuka misongo yenu yosena.” Anukenu, nge Lizu vanalihanjika, Lyatela kusoloka. Yesu ngwenyi, Mako 11:22, “Nge namwamba kupili ino ngwenu, ‘Tutuluka,’ nakuhona kukakasana mumericima yenu, oloze fwelelenu ngwenu omu munambe namusoloka, namukamonamo vene.”


¹²⁰ Jino, umwe umwe mujila yenyi jino, nongama mutwe wove, linga kulikonekela chove, “Mwata, Ngwafwelela Lizu Lyove. Ngweji kwivwanga Lizu Lyove kungulweka yami nge Yove chochimwe zau, lelo, na haya myaka.” Yami nanguya nakuhaka mavoko hali ou mwana, mwomwo ikhiye ali wamundende kutachikiza omwo vili, kanyike walunga wamwaza, waseteko na chivuvu nge mwanami wamundende Yosefwa. Kaha Ngwazange enu vosena kupwa nakulomba, kulomba, “Mwata, Ngwevwanga Lizu Lyove. Ngwafwelela.”

¹²¹ Tata wa Mwilu, etu tulinakuneha lizavu kuli Yove nakuka mijimba yavo. Kaha, Mwata, hano hali mwana wakuhutwa kanyike, alinakukoka muchima wami mulwola lwa Mujimbu lwosena, kumona chisemi chenyi namukwachilila. Kuhichila musayasi, kahechi hakutalililako hali ou mukweze

wamundende. Kwatwama Lizu lya Kalunga kuhitanga hosena. Kaha liuka lyechi kupwanga hamwe kulingisa jishimbi jize Ngwejiva namwakujilingila, vyosena vyasala kuli Yove, Tata. Yami nguli nakuya nakuhaka mavoko hali ou mwana.

¹²² Kalunga Tata, mu Lijina lya Yesu Kulishitu, Ngwapaisa echi. Echenu ngolo ja Kalunga, kuka cha Kalunga. . . Echa mupwenga chihandwa muli ikhiye muminyutu ya faifi. Echa vosena veze kuli Kalunga, ha upahu Wove.

¹²³ Tata wa Mwilu, Enu mwahanyine lushiko. Mukhiko Ngwatachikiza, Enu mwahanyine lushiko. Chinalingika, nge omu vachambile, “Kachi *nawamba* kuli echi,” kaha Yami nangwamba kuli liyavolo wamisongo chipwe waluyajiwisa nakase lizavu, nakase vathu ava, kala shipilitu yakuzeneka kufwelela, Yami ngwami, “Fuma muli watu ava, mu Lijina Yesu Kulishitu!” Jino, etu tunejiva vachisoneka, kaha jino vanachambe, chipwenga ngocho, kukavumbi naku upahu wa Kalunga. Kaha mu Lijina lya Yesu Kulishitu tunachihulu.

¹²⁴ Jino, enu munahase kufwelela, kaha mwafwelela, chipwetuhu ovyo navisoloka, kamwatela kupwa, mbuto yaholokelele haze. Kaze kachuma kamwe kakandende mukachi muli yove, lize Lizu. Visemi va mwanaou, chipwetuhu kalamujila ali nakusolokelamo mwana, wafwelela mbuto ya Kalunga yaholokelele mumuchima wove, ngachize ngachize kanyike walunga mwapwa kanawa? Enu vosena mupwe mukulomba, umwe na mukwavo, munafwelela nge mbuto ya Kalunga yaholokela mumuchima wove, “misongo yami yakumu”? Kahajino kulomba chakufwelela chize vanakulombelela, nachifumisa chize chilimuli yove. Kaha nge Satana mwakeza kukweseka, enu kindulukenu, “Kwimana muliuka lya Spanish, chimene cha Sondo yize, kulomba chakufwelela vangulombelelecho yami. Kaha Kalunga ashikile!” Kulomba chakufwelela nachimulwila mukakuviza kaha Kalunga mwakavahindula. Chatela kukahita. Enu mwachifwelela echi? Ambenu, “Amena.” [Liuka ngwavo, “Amena.”—Muka.] Kalunga amikisule. Jino Yami nangukindulwisa cheka mulimo kuli Ndumbu Rose, Ngwashinganyeka hano, Ndumbu Jewel Rose. 

LIZU LYA KALUNGA MUMA KUMBI ANO AKUKUMINYINA LVE63-0120M
(The Voice Of God In This Last Days)

Ou Mujimbu kufuma kuli Ndumbu wa lunga William Marrion Branham, vawambulwile hakuputuka mu Ingilishi mu chizeji 20, 1963, ha liuka lya Apostolic mu Phoenix, Arizona, U.S.A., vanaufumisa mu muzu vakopele ha tepu na kuusoneka mu Ingilishi chakuzeneka kuwalumuna. Echi kwalumuna Lilimi vachinungulwile vausonekele na kuupangila kuli vaka Kukopa cha Lizu Lya Kalunga.

LUVALE

©2018 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Tachikizenu lisesa lyakufwatula

Kulama lisesa lya kufwatula. Ou mukanda vanahase kuufwatula kumakina akuvulisa a hembo kupwa wakuzachisa kuli muthu hakapanji kenya mokomoko kuhana kweka, wa wana wakanyombo, kupwa chitwa chakutanjisa Mujimbu wamwaza wa Yesu Kulishitu. Ou mukanda kavatela kuulanjisako, chipwe kuyitunga yayivulu chikuma, chipwe kuyihaka ha peho ha website, kuyitulika muze vanahase kuyifumisa, kulumbununa mu malimi eka, mokomoko kuuzachisa kupwa jila yakutambwilamo mali chakuzeneka lisesa lya kusoneka kufuma kuli vaka Voice Of God Recordings®.

Mwatondo kutachikiza vyavivulu mokomoko vyuma vikwavo, kaha sonekelenu ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org